

善後會議史全

武進費保

第一章 善後會議之由來

國家大器。歸於有德。非可利市也。自曹氏當國。縱任宵小。政以賄成。海內賢豪。怒然憂之。聯袂奮起。恢張正義。聲罪致討。乃有江浙之役。盧督辦（永祥）以數萬浮懸孤寄之卒。當四面環窺協乘之衆。艱屯錯午。屢瀕於危。既而東北響應。戰事擴大。師徒徵調。區宇鼎沸。國基震蕩。傾而未覆者幾希矣。幸各方酷愛和平。又得馮督辦（玉祥）回師京都。廓清君側。水深火熱之氓。始有噓枯蘇瘠之望。顧斯時也。曹氏去位。中樞無主。舉國騷然。隱隱潛滋。段合肥。乃以間退之身。受羣帥擁戴之重。東山再起。霖雨蒼生。陽和初布。萬卉萌動。誠撥亂反正之景運也。然巨患新夷。待治孔殷。經緯萬端。厥賴羣才。於是網羅名賢。團結實力。以解目前之紛糾。樹建國之宏猷。此善後會議所由來也。茲總其大略。敘述如左。以明樞輪雖微。要爲大略所自始焉耳。

第一節 江浙戰爭之起源

自民國十二年十月曹錕以賄選入主大政。海內人士。羣起非之。浙江督軍盧永祥。尤不謂然。倡義江表。宣告自治。南聯粵。北結奉。聲氣翕合。隱然爲東南重鎮。蘇督齊燮元。曹氏功臣也。逼處鄰封。犬牙相錯。凜其聲望。久思有以掎擊之。願爲直魯豫巡閱使吳佩孚所制止。鬱不得逞。及去歲閩軍威致平楊化昭

被孫(傳芳)周(蔭人)等擊敗。竄入浙境。盧督爲息事寧人計。加以收編。齊氏恐其聲勢日張。終爲肘腋巨患。乃藉召納叛亡爲名。迫請盧督解散楊軍。洛吳亦應和之。迨十三年九月初間。備戰益亟。而江浙戰爭。遂不免矣。

曹錕政府。對於東南戰事。早受密旨於齊燮元。惟以內受國民之籲求。外以列強之觀瞻。初頗欲以地方問題。不偏袒爲藉口。粉飾其和平之面目。嗣因齊燮元迭電催下討伐之令。繼則吳佩孚亦代爲電請。於是七日之普。頒發討伐盧督令。盧永祥免職奪勳。何豐林亦復如之。同時軍事處又頒發組織討伐軍之密令。南北兩路。實行夾擊。盧督爲討伐戎首。綏靖國家計。亦以軍令發表組織浙滬聯軍。盧經各將領之推戴。擔任總司令。大本營。仍在杭州。分爲三軍第一軍。由何豐林之第六混成旅及第十師之一部分。並臧致平之閩軍。組織而成。兵力約有二萬。在黃渡嘉定瀏河一帶防守。何爲第一軍司令。臧副之第二軍。由陳梁山之第四師及第十師之大部分。並楊化昭之閩軍。組織而成。兵力二萬有餘。一半擔任攻取宜興。一半防守嘉興。保護滬杭路線。陳爲第二軍司令。楊副之第二軍。由潘國綱張載揚之浙軍一二兩師。及其他零星部隊編制而成。擔任省內各要地及閩邊之守備。張爲第三軍司令。潘副之。

蘇省軍隊之參戰者。爲齊燮元楊春普白寶山朱熙馬玉仁各師。陳調元黃振魁吳恒瑣張仁奎各旅。以齊朱兩師。及陳黃吳各旅。分佈崑山黃渡線。(中左兩路)楊白兩師則爲防守宜興。以至太湖左岸。齊之大本營。初擬設於常州。以常州居滬寧線之中心點。可以兼顧宜興方面。嗣以離黃渡瀏河南前敵線太遠。遂設

於崑山。直系各軍佈陣之形勢大致如下：（甲）蘇軍。卽南路是。分三路列陣。中路。前線設在平望。直攻嘉興。翼斷浙之滬杭路。左路。齊之大本營。卽設於此路之崑山。前線進擊黃波。翼沿鐵道而進。直達上海。右路。在宜興方面。進攻浙之長興吳興等處。（乙）皖軍。爲蘇軍之別動隊。由廣德泗安等處。直趨長興吳興諸地。與蘇軍右路會師。（丙）閩軍。卽北路是。孟昭月盧香亭各軍。由閩邊入浙。從仙霞嶺向龍游而進。與江西軍會師衢州。聯兵直趨杭州。（丁）贛軍。爲閩軍之別動隊。第一師第一旅旅長楊以來率所部由廣豐玉山入浙。攻江山常山。與閩軍會師。浙軍對於南路。僅趨守勢。以汪豐鎬爲衢防總司令。張國威爲砲隊司令。嚴守仙霞嶺。蓋以爲崇山峻嶺。形勢天然。故有險可守也。對於蘇皖方面。（卽北路）則分三路防守。重兵皆集於此。中路。前線設在嘉興。攻蘇之盛澤。直趨平望。左路。重兵集於長興。猛攻蘇之宜興。此爲浙軍最注意之點。倘得宜興。可直趨常州。截斷滬寧路。則常州以東之蘇軍。皆無歸路矣。右路其重要一如左路。設防於淞滬方面。其前線在黃渡瀏河一帶。以對崑山之敵。雙方之海軍。戰鬥力。均極薄弱。粵海軍僅在瀏河一帶。遙爲陸軍之聲援與掩護而已。閩海軍雖有攻奪甬波之議。亦未成爲事實。僅至吳淞口而止。滬海軍實力尤弱。不過在吳淞口內外。巡弋靖江耳。

先是兩軍嚴陣以待。已四五日。軍士皆躍躍欲試。九月三日晨十時許。兩軍前哨相遇於黃渡安亭間。各放排槍。遂正式接觸。浙軍爲楊化昭部約一營。蘇軍爲宮邦鐸部約一營一連。浙軍大本營前敵開火訊。遣砲兵助之。開砲八響。蘇軍敗退十餘里。浙軍乘勝追之。適蘇方援軍開到。亦以大砲反攻。浙軍敗退。

直至下午八時。始休戰。其陣線則黃渡以西三里浙軍守之。陸家濱以東三里。則爲蘇軍所守。是日蘇軍傷亡三十餘人。浙軍則陣亡十餘人。傷五人。兩軍以兵額比較。浙不如蘇。以勇力比較。蘇不如浙。兼之蘇軍有閩皖贛三省爲之助。更有豫魯鄂三省出援軍。浙軍則處於絕地。處境艱危。奮勇前進。威楊兩軍。皆久經戰陣之衆。無不一以當十。若蘇軍則除白寶山馬玉仁陳調元三部外。餘如朱熙楊春普等各所部。值不堪一戰。戰端開後。蘇軍以倍捷之衆。猛擊黃渡瀏河南地之浙軍。旋得旋失。卒無所進。而宜興方面。楊春普所部。被楊化昭之兵攻擊。迭瀕於危。楊部潰變。不能成軍。白寶山部趕至溧陽。陳調元部調往宜興。蘇軍右路防線。始免於失陷。然開戰甫及旬餘。蘇軍除楊春普部潰散外。其他朱熙黃振魁吳恆瓚各所部。喪亡殆盡。豫魯鄂援軍。陸續至矣。吳佩孚恐齊變元疑客軍援蘇。有侵其地盤之意。故令山東河南兩省之援蘇軍。均以圍爲本位。團長位分既卑。齊自不至猜嫌。由此可知直系內部之離貳矣。魯軍之援蘇者。爲山東第一混成旅潘鴻鈞部之蕭樹棠團。吳長植旅當時亦準備開拔南下。豫軍之援蘇者。爲河南第一混成團郭振才部。河南暫編第二旅第四團李保國部（李後戰沒。遺骸未得）及第十四師靳雲鶚部之一部份。鄂軍之援蘇者。爲第四混成旅劉佐龍旅。後又加入第五混成旅張允明旅。蘇軍在前線。既傷亡日衆。於是魯豫鄂三省援軍。相繼加入作戰。但援軍入蘇。不過因迫於長官命令。不得不行。戰鬥之志。極爲懈怠。且客軍膽寒。各挾驕矜之氣。齊變元費盡九牛二虎之力。僅僅維持防線。迄九月十八日之戰。浙軍內部。發生變動。盧督赴滬督師。前敵士氣。依然甚盛。且此時東北之戰已起。盧督乃積極縮短防綫。以爲持久之計。